

Ein seggen

Ich beswer dich vig und vigwarzen⁺ by dem heiligen ostertof vnd by dem heiligen pfingest dage vnd by dem heiligen winaht dage vnd by den heiligen worten, die in den drien tagen werdent gesprochen, dz du stille standest vnd nit enswerest noch furbasser gangest vnd welke werdest, dz helffe dir min frowe sante Marien vnd der vil heilge krist ase du sin notturftig bist amen. Den seggen sol ein priester sprechen.

(Aus einem Elsässer Arzneibuche des
14. Jhs. Staatsarchiv in Darmstadt.)

⁺) haemorrhoides.